

皇清經解續編

皇清經解集編

尙書今古文集解自序

尙書今古文集解何爲而作也所以述舅氏莊先生一家之學
 且爲諸子授讀之本也嘉慶初先生歸自沛南余始從問尙書
 今古文家法及二十八篇敘義析疑賞奇每發神解忽忽數十
 年久不省錄今年夏先生子循博來京旋卒旅寓啟其行篋而
 先生所爲書序說義一卷尙書授讀一卷在焉尋繹雒誦音容
 如在先生學通倉籀溫故知新其所創獲近轍諸儒遠質姚姒
 所恨記錄過疏引而不發亦有親承口授或反缺然緒論微言
 不著竹帛傳而不習自古歎之湮沒駸尋玩愒滋懼爰推舅氏
 未竟之志綴爲是編其例凡五一日正文字尙書已罹七厄

見段

氏撰
異序

故經文之下必先審其音訓別其句讀詳其衍脫析其同

異段氏旁徵蔓衍煩賾爲患芟蕪存英什僅二三從簡要也二
曰徵古義馬鄭王注采自後案不復疏其出典其差繆過甚如
以夏侯等書轉爲古文孔壁本轉爲今文之類悉爲釐正嚴家
法也三曰祛門戶孫疏好古雖史記周公奔楚捕爪沈河之說
必篤信不疑後案祖鄭雖亟繇在元圭告成之後金縢誅官屬
黨與之誣必曲申其是遷周孔以就服鄭實爲大惑至僞孔傳
于導渭條漆沮亦曰洛水顧命篇夾兩階阼爲堂廉致爲精確
不可以人而廢言集眾思廣公益也四曰崇正義六宗四載三
江九江諸家聚訟詳載博辨體同考索至于因中星而及歲差
之西法說璣衡而詳後世之銅儀有乖說經概從薤汰懼支蔓
也五曰述師說凡聞自莊先生及外王父莊宗伯公者皆別出

之獨下已意者以謹案別之其書序說義亦詳爲引申附諸其
後明授受也予自束髮治春秋所擬議禮決獄答難諸書至今
未能卒業又爲詩聲衍若干卷以明六書音韻之學創藁粗就
繕寫未遑復以炳燭餘明旁及是學人壽幾何蠡海難罄望古
寥閭知後人能董而理之否耶姑藏篋笥以訓子孫云

皇清經解續編卷三百二十二

南菁書院

尚書今古文集解一

武進劉逢祿申受著

鄭元書贊云孔子撰書乃尊而命之曰尚書荷者也蓋言

若天書然尚書緯璿璣鈴云因而謂之書加尚以尊之

堯典第一

說文堯高也以珪在兀上高遠也古文作𠩺典从冊在兀上尊閣之也古文作𠩺謹案禮大學引作帝典

堯典舜典異序同篇三代史臣之舊非始於孔子也

夏書一墨子明鬼篇云尚書夏書其次商周之書左氏春秋

引此篇多云夏書說文或引作唐書書贊曰三科之條五家之教段玉裁云三科謂虞夏一科商一科周一科也五家謂

唐虞夏商周也蓋三科古文家言五家今古文家言

曰若稽古

謹案爾雅云粵越通若古文作𠩺即榘桑𠩺木之若悅忽之詞也馬鄭訓為順說文引申之謂擇又借為

杜若香艸俱非本訓馬鄭以帝堯二字屬上讀今以曰若稽古四字絕句

鄭曰稽同古天也言堯能順天而行之與之同功不馬曰堯

順攷古道放勳堯名 段曰曰若稽古四字爲句不特皋陶

謨也蓋堯典亦然逸周書武穆解可證也漢策文亦多云惟

稽古謹案孔子序三統之書首夏書唐虞者夏之三統也則

曰若稽古四字當是孔子尊加之辭或周史臣所加太史公

述五帝本紀無此四字於夏商亦稱帝

說詳呂刑
皇帝注

則以此四

字屬下讀者由白虎通不得其說馬鄭從而誤之也

說詳皋
陶謨

帝堯曰放勳

釋文放方往反徐云鄭王如字
勳史記作勛說文勳古文勳

謹案白虎通引謚法翼善傳聖曰堯放勳號也馬融以爲堯

名名卽號也帝者三王以前尊加之辭堯當時亦稱王也孔

子曰天無二日民無二王大傳云帝乃稱王而入唐郊猶以

丹朱爲尸是舜卽位亦稱王也義詳董子又案帝堯曰放勳

卽五帝紀帝堯名放勛虞舜名曰重華夏禹名曰文命本紀體也大禹皋陶謨益稷篇首皋陶曰臣謨體也

欽明文思安安

案段據後漢書馮衍第五倫陳寵邴壽傳注引皆作文塞晏晏以爲今文作文塞晏晏後人據說文改塞爲憲非也古思塞同部

鄭曰敬事節用謂之欽照臨四方謂之明經緯天地謂之文

慮深通敏謂之思

馬曰威儀表備謂之欽照臨四方謂之

明經緯天地謂之文道德純備謂之思

段曰邴壽傳注引

考靈耀鄭注云道德純備謂之塞道德純備充實之意也故

以訓塞此今文說也鄭注尙書慮深通敏謂之思此古文說

也各如其字釋之若馬注則用今文說注古文讀思爲塞易

其字也馬注雖薄今文家言而不盡廢其說如馬此條是

謹案考靈耀鄭注寬容覆載謂之晏晏安同聲同訓

允恭克讓

段云尚書恭肅字皆從心供奉供給字皆从共漢石經無逸篇嚴恭與懿恭惟正之共各體可證讓漢藝文志作攘師古云攘古讓字曲禮鄭注攘卻也或者攘古讓字說文攘推也讓相責讓也許君以从手者謂謙讓字矣

鄭曰不懈於位曰恭推賢讓善曰讓 傳曰允信克能也

光被四表格于上下

段云古文作光今文作橫說文引虞書曰假于上下蓋所見壁中本今文亦當作假

鄭曰言堯德光耀及四海之外至于天地所謂大人與天地

合其德與日月合其明 傳曰光充也 段曰鄭就光字本

義釋之僞孔就假借釋之用今文注古文也僞孔義爲長

克明俊德

俊六學作峻或駿假借字鄭注大也峻無大訓史記訓爲馴徐廣曰馴古訓字段曰古馴訓順三字通用

或今文作訓德

鄭曰俊德賢才兼人者

以親九族九族既睦

鄭曰上自高祖下至元孫凡九族

馬同釋文

謹案今尚書夏侯

歐陽說以為父族四母族三妻族二皆據異姓有服鄭不從

又據喪服小紀親親以三為五以五為九知皆同姓也注容

甫云古人言數之多者概以三五九形容之辭也

平章百姓百姓昭明

史記作便章索隱云古文作平今文作辨詩采菽正義書傳作辨章惠氏云下文平

秩字伏生作便鄭元作辨說文采辨別也讀若辨古文作𠂔與平相似偽孔誤為平耳段曰鄭讀平為辨从今文也王伯申曰古平便辨音義皆同惠說非也

鄭曰辨別章明也百姓羣臣之父兄子弟

協和萬邦

本紀作合和萬國段曰合訓也國是今文本非為本朝諱也後案說文邦从邑丰聲邦雍協韻

黎民於變時雍

於如字變漢成帝詔作蕃孔宙碑作卜段云今文本也

傳曰協合黎眾時是離和也言天下眾民皆變化从土是以風俗大和 謹案中庸九經之旨本此節推演之

乃命羲和欽若昊天厯象日月星辰敬授人時

吳說文昇春爲昊天元氣昇昇

从日乔亦聲厯段云字本从止衛包改从日人時史記漢書引作民時亦衛包所改謹案厯象史記訓爲數法

鄭曰高辛氏之世命重爲南正司天黎爲火正司地堯育重犁之後羲和氏之子賢者使掌舊職天地之官亦紀於近氏命以民事其時官名蓋曰稷司徒此命羲和者命爲天地之官下云分命申命爲四時之職天地四時於周則冢宰司徒之屬六卿是也星辰爲一俱是二十八宿 馬曰羲氏掌天官和氏掌地官四子掌四時傳曰星四方中星辰日月所會厯象其分節敬紀天時以授人也此舉其目下別序之

尚書考靈耀云主春者張昏中可以種稷主夏者火昏中可以種黍菽主秋者虛昏中可以種麥主冬者昴昏中可以收斂天子視四星之中知民緩急故云敬授民時也

分命羲仲

鄭曰官名蓋春爲秩宗夏爲司馬秋爲士冬爲共工通稷與司徒是六官之名見也仲叔亦羲和之子棄既分陰陽爲四時又命四子爲之官又主方岳之事是爲四岳掌四時者字曰仲叔則掌天地者其曰伯乎 王曰皆居京師而統之亦有時述職

宅嵎夷曰暘谷

正義夏侯等書爲宅嵎鐵○釋文考靈耀及史記皆作宅嵎鉞謹案今史記作居郁夷曰暘谷

索隱史記舊本作湯谷○段云宅今文作度下同嵎說文作嵎

馬曰嵎海隅也夷萊夷也暘谷海隅夷之地名

寅賓出日平秩東作

釋文寅徐以真反又音夷下同賓如字徐音殯平如字馬作萃下倣此○說文豐部

豐爵之次弟也从豐从弟虞書曰平豐東作謹案史記作敬道日出便程東作索隱尙書大傳曰便秩東作段云周官馮相氏鄭注平作辨下竝同

鄭曰寅賓出日謂春分朝日作生也 馬曰賓從也萃使也

傳曰寅敬賓導秩序也歲起於東而始就耕謂之東作東

方之官敬導日出平均次序東作之事以務農也

日中星鳥以殷仲春

仲史記作中下同

鄭曰日中者日見之漏與不見者齊也星鳥鶉火之方殷中

也春秋言溫涼也

馬曰古制刻漏晝夜百刻日中宵中則

晝夜各五十刻

王莽時改曆以計刻晝夜各五十刻

厥民析

呂氏春秋仲春紀耕者少舍高誘注皆耕在野少有在都邑者也尙書曰厥民析散布在野

鳥獸孳尾

史記作字微段云古通用

傳曰乳化曰孳交接曰尾

申命義叔宅南交

鄭曰夏不言曰明都三字者摩滅也

尙書大傳中祀大交

鄭注中仲也古春爲元夏爲仲五月南巡狩仲祭大交氣于

霍山也南交稱大交書曰宅南交也

平秩南訛

史記作便程南爲段云馮相氏注辨秩南僞釋文僞五禾反今本作訛衛包改也今本史記亦依衛包改

僞正義索

隱可證

敬致

傳曰訛化也掌夏之官平敘南方化育之事敬行其教以致其功匹時同之亦舉一隅 謹案僞傳云云與王肅云夏無明都避敬致意合非也敬致者卽周官馮相氏冬夏致日春秋致月舉一隅也

日永星火以正仲夏

鄭曰日長者日見之漏五十五刻日不見之漏四十五刻於四時最長也星火大火之屬司馬之職治南岳之事得夏則氣和夏至之氣昏火星中 馬曰日長則晝漏六十刻夜漏

四十刻

厥民因鳥獸希革

鄭曰夏時鳥獸毛疏皮見 傳曰因謂老弱因就在田之民

壯以助農也革改也

分命和仲宅西曰昧谷

正義夏侯等書昧谷曰柳谷三國志虞翻傳注古大篆則字讀當為柳古柳

同字而以為昧此翻奏鄭氏解尚書違失之一也莊氏述祖曰說文𠂔為古文西字𠂔為春門萬物以出西為秋門萬物以入故秋曰𠂔谷伏生書借柳作𠂔如字讀之今文之誤漆書本作𠂔鄭氏誤以為𠂔而讀昧翻又從今文以改古文今當從古文正作𠂔案鄭注周官引此作度西曰柳穀亦用今文也書大傳正作柳穀史記居西土曰昧谷徐廣曰一作柳谷

鄭曰西者隴西之西今人謂之兌山

寅餞納日平秩西成

集韻寅餞馬作寅淺段云此乃釋文舊本今本寅餞衛包所改又云淺馬讀如踐納

古文當作內史記訓為敬道日入便程西成書大傳作寅餞入日辨秩西成

鄭曰寅餞納日謂秋分夕月也 馬曰餞減也減猶沒也

傳曰餞送也日出言導日入言送因事之宜秋西方萬物成

平敘其政助成物

宵中星虛以殷仲秋

鄭曰夜中者日不見之漏與見者齊虛元武中宿也

厥民夷鳥獸毛毼

本紀作其民夷易臧氏琳曰當是以易代夷傳寫誤兩存之易平也周官司裘注中秋鳥

獸毼毼釋文毼音毛惠氏曰毼當為髦字之誤也鄭氏尚書

云中秋鳥獸髦毼中冬鳥獸毼髦涉下而誤耳段云毼从佳

毛毛亦聲當是壁中古文禮注未可議改說文毼仲

秋鳥獸毛盛可選取以為器用也从毛先聲讀若選

傳曰夷平也老壯在田與夏平也

申命和叔宅朔方曰幽都

本紀作居北方

傳曰北稱朔亦稱方言一方則三方見北稱幽則南稱明從

可知都謂所聚也